

REGLUR

um ákvörðun á tegundum rekstraraðila sérhæfðra sjóða, meðal annars um afmörkun á því hvort rekstraraðili teljist reka opinn sjóð, lokaðan eða bæði.

1. gr.

Gildissvið.

Reglur þessar gilda um rekstraraðila sem reka eða markaðssetja einn eða fleiri sérhæfða sjóði hér á landi eða í öðrum ríkjum innan EES, án tillits til rekstrarforms rekstraraðila, rekstrarforms sérhæfðra sjóða og þess hvort þeir eru opnir eða lokaðir, sbr. lög nr. 45/2020 um rekstraraðila sérhæfðra sjóða.

2. gr.

Ákvörðun á tegundum rekstraraðila sérhæfðra sjóða.

Við ákvörðun á tegundum rekstraraðila sérhæfðra sjóða skal rekstraraðili fara eftir ákvæðum reglugerðar framkvæmdastjórnarinnar (ESB) nr. 694/2014 frá 17. desember 2013, sbr. 3. gr. þessara reglna.

3. gr.

Innleiðing framseldrar reglugerðar.

Með reglum þessum öðlast gildi hér á landi framseld reglugerð framkvæmdastjórnarinnar (ESB) nr. 694/2014 frá 17. desember 2013 um viðbætur við tilskipun Evrópuþingsins og ráðsins 2011/61/ESB að því er varðar tæknilega eftirlitsstaðla um ákvörðun á tegundum rekstraraðila sérhæfðra sjóða, sem tekin var upp í EES-samninginn með ákvörðun sameiginlegu EES-nefndarinnar nr. 202/2016 þann 30. september 2016, sem er birt í EES-viðbæti við Stjórnartíðindi Evrópusambandsins nr. 13 frá 30. september 2016, bls. 36-41. Reglugerð framkvæmdastjórnarinnar (ESB) nr. 694/2014 var birt í EES-viðbæti við Stjórnartíðindi Evrópusambandsins nr. 57, þann 13. október 2016, bls. 532:

<https://www.efta.int/sites/default/files/documents/legal-texts/eea/other-legal-documents/solr/-translated-legal-acts/icelandic/i32014R0694.pdf>.

4. gr.

Gildistaka.

Reglur þessar eru settar með heimild skv. 5. tl. 2. mgr. 117. gr. laga um rekstraraðila sérhæfðra sjóða nr. 45/2020. Reglurnar öðlast þegar gildi.

Seðlabanka Íslands, 20. ágúst 2020.

Ásgeir Jónsson
seðlabankastjóri.

Rannveig Júníusdóttir
framkvæmdastjóri.